

На основи члена 4. пасус 1. точка 3. Уредба о поступку за обезпечоване согласносци за нове обезпечоване работи и додатне роботне ангажоване у хаснователя явних средствох («Службени глашнік РС», число 159/2020) и члена 35. и 36. пасус 8. Покраїнскей скупштинскей одлуки о Покраїнскей влади («Службени новини АПВ», число 37/14),

Покраїнска влада, на 15. схадзки хтора отримана 20. януара 2021. року, п р и н е с л а

ЗАКЛЮЧЕНЕ

О ПОСТУПКУ ОБЕЗПЕЧОВАЊА СОГЛАСНОСЦИ ЗА НОВЕ ОБЕЗПЕЧОВАЊЕ РОБОТИ И ДОДАТНЕ РОБОТНЕ АНГАЖОВАЊЕ У ХАСНОВАТЕЉОХ ЯВНИХ СРЕДСТВОХ АВТОНОМНЕЙ ПОКРАЊИ ВОЙВОДИНИ

1. Одредзуе ше Службу за управяне з людскимa ресурсами (у дальшим тексту: Служба) за компетентни орган Автономней покраїни Войводини, у смислу члена 4. пасус 1. точка 3. Уредби о поступку за обезпечоване согласносци за нове обезпечоване работи и додатне роботне ангажоване у хасновательох явних средствох («Службени глашнік РС», число 159/2020) (у дальшим тексту: Уредба):
 - хторей хаснователе явних средствох Автономней покраїни Войводини (у дальшим тексту: хаснователе) подноша молби за нове обезпечоване работи (интерни конкурс, явни конкурс, преберане од другогa хаснователя явних средствох) и додатне роботне ангажоване (у дальшим тексту: молби) и
 - хтори Комисії за даване согласносци за нове обезпечоване работи и додатне роботне ангажоване у хасновательох явних средствох (у дальшим тексту: Комисия) подноши предлог акта о даваню согласносци за пополньоване шлебодних, односно ошлебодзених роботних местох и предлог акта о даваню согласносци за додатне роботне ангажоване.
2. Хаснователе подноша молбу Служби на Формуларе ПРМ – Нове обезпечоване работи и додатне роботне ангажоване у хаснователя явних средствох (у дальшим тексту: Формулар ПРМ), яки предписани з Уредбу, најпознейше по 5. у мешацу за одлучоване у тим мешацу.

Молбу ше подноши у трох прикладнікох (за Службу, за Министерство финансийох и за Комисию), а штварти прикладнік затримуе хасновател за својо потреби.

З одредбами члена 10. пасус 1. точка 1. Уредби предписана пенєжна кара од 50.000 по 150.000 динари за потупене за одвичательну особу хасновательох хтори уписую неточни або неподполни податки до формулара ПРМ.

3. Молби цо сцигну од хасновательох, окрема молбох директних хасновательох бюджету Автономней покраїни Войводини, Служба по 5. у мешацу доручуе компетентному органу до чийого ділокруга спада діялносц подношителя молби, пре доставане думаня о потреби и можлівосцох пополньованя шлебодних односно ошлебодзених роботних местох, односно о додатним роботним ангажованю.

Компетентни орган длучни својо думане, хторе обовязно облапя и податки з Финансийного плану або Програми ділованя подношителя молби, доручиц Служби найпознейше по 10. у мешацу.

4. Служба длучна розпатриц молби цо сцигли, окреме водзаци рахунку чи обезпечени средства у бюджету Автономней покраїни Войводини, Финансийним плану або Програми ділованя подношителя молби, о пополненосци систематизованих работних местох, динамики обезпечованя работи у каждого хаснователя, як и о значносци работних местох чийо ше пополньоване вимага.

Сумарни препатрунок молбох хтори оцені як оправдани, на Формуларе СПМ – Сумарни препатрунок молбох, як и по єден прикладнік молби за каждого з тих хасновательох, Служба по 10. у мешацу доручує Министерству финансийох, пре даване думаня.

Кед Служба оцені же молба не оправдана, о причинох ше, без одкладаня, обвисцує подношителя молби, а таку молбу ше не прешлїдзує Министерству финансийох.

Служба Покраїнскей влади, пре информоване, по 10. у мешацу доручує Сумарни препатрунок молбох, як и одвити подношительом молбох чийо молби не прешлїдзени Министерству финансийох.

5. По обезпечованю думаня Министерства финансийох, Служба пририхтує нарис акта о даваню согласносци за пополньоване шлебодних, односно ошлебодзених работних местох и нарис акта о даваню согласносци за додатне работне ангажоване за тих хасновательох чийо молби оценєла як оправдани, пре розпатранє и утвердзованє Предлогу на Покраїнскей влади и утвердзени предлоги прешлїдзує Комисії, з думаньом Министерства финансийох и по єден прикладнік молби за каждого хаснователя, найпознейше по 20. у мешацу.
6. Хаснователе длучни благочасно доручовац, односно ажуровац податки у Регистре занятих, вибраних, менованих, поставених и ангажованих особох у хасновательох явних средствох, у складзе зоз членом 6. пасус 4. Уредби.

Хаснователе длучни податки о чишле занятих и работно ангажованих особох положиц як явно доступни, визначиц на своєй интернет-презентациї (на Формуларе 1. хтори состоина часц Заклученя), у складзе зоз одредбами члена 8. Уредби.

З одредбами члена 10. пасус 1. точка 1. Уредби предписана пенєжна кара од 50.000 по 150.000 динари за потупене за одвичательну особу хасновательох хтори не обяви або не ажуроує податки зоз члена 8. Уредби.

7. По доставаню заклученьох Комисії, Служба их доручує подношительом молбох и Покраїнскей влади, з целью информованя членох Покраїнскей влади.
8. З дньом початку применьованя того заклученя, преставаю важиц Заклученя у вязи з обезпечованьом согласносци за нове обезпечоване работи и додатне работне

анґажоване у хасновательох явних средствох Автономней покраїни Войводини («Службени новини АПВ», число 7/2015).

9. Тото заключене будзе обявене у «Службених новинох Автономней покраїни Войводини», а будзе ше го применювац од поступку за обезпечоване согласносци за нове обезпечоване работи и додатне анґажоване у хасновательох за мешац януар 2021. року.
10. Тото заключене доручиц хасновательом.

ПОКРАЇНСКА ВЛАДА

127 Число: 112-38/ 2021

Нови Сад, 20. януара 2021. року

**ПРЕДСИДАТЕЛЬ
ПОКРАЇНСКОЙ ВЛАДИ,**

Игор Минович